



UNIVERSITÄTS-
BIBLIOTHEK
PADERBORN

Universitätsbibliothek Paderborn

Lignvm Vitae, Ornamentum, & Decus Ecclesiae

In Qvinque Libros Divisvm. In quibus, Totius Sanctiss. Religionis Divi Benedicti initia; Viri Dignitate, Doctrina, Sanctitate, ac Principatu clari describuntur: & Fructus qui per eos S. R. E. accesserunt, fuissimè explicantur

Wion, Arnold

Venetiis, 1595

Episcopatus de littera N. ca. XLVIII.

urn:nbn:de:hbz:466:1-38372

Morinensis Episcopus, 17. à Normandis sede sua pulsus, pro Christi nomine exilij ærumnam aliquandiu patientissimè sustinuit. Obiit signis gloriosus anno Domini 868. uel 869. die octauo Idus Martii. *Molanus in indiculo Sanctorum Belgij: Meyerus libro secundo Annal. Flandriæ, & alij.*

23 D. Bauco, siue Dauid, Monachus Corbeiësis, ad dignitatē Episcopalem assumptus, post aliquantos regiminis annos, obiit an. 964. *Demochares, to. 2. c. 17.*

26 D. Drogo Belga, Monachus Monasterii S. Vuinoci Bergis Flādiæ, deinde Gestellensis Pastor, postremo Episcopus Morinorū 26. creatus an. Domini 1036. præfuit laudabiliter annis plus minus 33. & scientiæ doctrina clarus quieuit in pace, anno 1079. Scripsit

De uita S. Godoleuę uirginis & martyris, lib. 1. excusam, tomo 4. Suriij die 6. Iulij.

De uita S. Osuualdi Regis Northumbriæ, lib. 1.

De eodem sermones duos: sunt in cœnobio Bergis MS.

De miraculis S. Leuuinnæ uirginis, lib. 1.


Ad primum librum uitæ S. Vuinoci Abbatis, adiunxit secundum, & tertium: qui sunt Bergis S. Vuinoci MS.

Ioannes Molanus in Annot. ad Vsuard. die 5. Augusti.

Episcopatus de litera N.

Cap. XLVIII.

Nannetenses, siue Nantes, in Britannia minori, sub Turonensi Archiepiscopo.

S.  AINVS, Monachus, & Abbas cuiusdam Monasterij in Britannia minori, quod à suo nomine, Monasterium Sancti Maini nuncupatur, uir sanctissimæ cōuersationis, & Episcopus postea Nannetensis: cuius, diuino aspirante fauore & gratia, tantū ualuit apud eximium in Britannia principem nomine Iudicahelum, penetrabilior omni gladio ancipiti exhortatio, ut abiecto mundanæ celsitudinis fastu, Rex ille sese in arctam Diui Maini cœnobium intruferit. Floruit uirtutibus & signis anno Domini 560. & quod excurrit, fuitque synchronos Sancti Maclouii Episcopi. *Belforestius in Cosmog. sua, in descriptione Armoricæ.*

Nemauses in Gallia, sub Narbonensi Archiepiscopo.

D. R. EMIGIVS, Monachus, & Abbas in Hispania, Episcopo Are-

Y 3 gio

gio defuncto, in eius locum substituitur circa annum Domini 680.
Ioannes Mariana Societatis Iesu in Annal. Hist. lib. 6. c. 12.

Niceæ in Prouincia, sub Archiepiscopo Eduensi.

S. VALERIVS, Monachus Monasterii S. Honorati, infulæ Lerinensis, & deinde ob sanctitatem eximiam Episcopus Nissenus, post multa uirtutum insignia, migravit ad Dominum, nono calendæ Augusti. *Tabulæ Lerinenses.*

Niuernenses, in Gallia, sub Senonensi Archiepiscopo.

S. ADEODATVS, Gallus, Monachus, & Abbas Vallis Gallicæ in Gallia, ac deinde Niuernensis Episcopus, magnatū uirtutum uir, & obseruantia Monastica inuolabilis cultor. Miraculis clarus obiit die 19. Iunii. *Tritemius de uir. ill. Ord. S. Ben. lib. 3. c. 304.*

D. Nothrannus, Monachus, & Abbas cœnobii Sancti Petri Vini Senonensis, Episcopus creatus circa annum Christi 1300. & completis in Episcopatu annis aliquot laudabiliter, diem clausit: *Demochares de sacrific. Missæ, tomo 2. cap. 19.*

Nouiomenses, & Tornacenses simul, in Belgio, sub Rhemensi Archiepiscopo.

19 S. ACARIUS, siue Archarius, Monachus Monast. Luxouicis in Burgundia, Episcopus Nouiomensis nonusdecimus creatus est anno 633. præfuitque in omni sanctitate annis 14. & miraculorum gloria clarus, migravit ab hac luce anno 647. 5. calend. Decembris. *Jonas in uita S. Eustasii Abbatis, apud Surium, to. 2.*

20 S. Eligius, Gallus, aurifaber, & postmodum, Monachus, & Abbas Monasterii Solemniaci, deinde S. Acharii in Episcopatu successor, creatus anno Domini 648. uel 649. sui muneris minimè oblitus, continuis prædicationibus populum sibi commissum pauit, & multos à uia ueritatis errantibus, in Flandria Occidentali maximè, ad semitam iustitiæ reduxit: sedit annos plus minus 16. uel 17. & Sanctorum cœtui coniungendus obiit anno 665. ipsis calendis Decembris. *Sigebertus in chronico, supplementum Chronicorum, libr. 10. & alij plures.* Scripsit ad clerum, sacrâ plebem, & pœnitentes, homilias 16. quæ excusæ sunt in appendice ad Bibliothecam SS. Patrum.

21 S. Mummolenus, siue Mommolenus, Monachus Luxouienfis, & S. Audomari discipulus, Episcopus in locum S. Eligii renunciatus est anno Christi 666. siue 664. & secundum hanc ultimam opinionem præfuit annis 26. obiitque plenus dierum anno 691. die 17. cal. Nouemb. *Tritt. libr. 4. cap. 161. & alij.*

41 D. Galbertus, siue Vuaberthus, Monachus Corbeia Gallicæ, Epi-

Episcopale munus assumpsit anno 932. præfuit annis tribus tantum; & moriens an. 934. sepultus est in dextra parte Ecclesie Nouiomensis. *Demochares de sacrificio. Missæ, to. 2. c. 15.*

42 D. Transmarus, Monachus Monasterii S. Vedasti in ciuitate Attrebatensi, in locum Galberti suffectus, præfuit annis plus minus 12. obiit anno 946. Nouiomi sepultus. *Demochares ibidem; & Belforestius in catalogo Episcoporum Nouiomensium.*

44 D. Fulcharus, siue Fulcherus, Monachus Monasterii S. Medardi Sueffionensis, de quo multa non bona narrantur, uir ambitiosus, uia indirecta Episcopatum adeptus, mense 18. administrationis sue, morbo pediculari consumptus, magnum exemplum puniti ambitus posteris reliquit. Obiit anno Domini 952. *Demochares, & Belforestius, ibidem.*

Nouiomenses proprii solum, sub Rhemensi Archiepiscopo.

55 D. BALDVINVS, Monachus, & Abbas Castellionis in Gallia, Episcopus Nouiomensis secundus proprius, creatus est anno Domini 1148. præfuit annis plus minus 18. Obiitque, ut colligere licet, anno 1166. sepultus in Ecclesia B. Mariæ uirginis de Vrsicampo, à prædecessore suo fundata. *Belforestius loco citato, & Robertus in chron. ad annum 1148.*

Noruuicenses in Anglia, sub Cantuariensi Archiepiscopo.

14 D. N. Monachus, & Prior Eliensis Monasterii, Gulielmo de Luda, Episcopo Eliensi ab hac luce subtracto, à maiori parte Capituli electus est in eius locum qui succederet, ab aliis uerò Ioannes de Langtona Regis Cancellarius: causa electionis coram summo Pontifice producta, irritatus Pontifex de improbitate Monachorum, neminem alium præter Priorem suum eligere uolentium, Episcopum Noruuicensem in sedem Eliensem transtulit, & hunc Priorem Eliensem in sedem Noruuicensem confirmauit, ann. Domini 1298. *Matthæus Westmon. ad annum 1298.*

D. Alexander, Monachus & Prior Monasterii Noruuicensis, uir pius & doctus, unanimi consensu, post Henricum de Spencer, electus est Episcopus Noruuicensis, anno Domini 1406. circa mensem Nouembrem, qui & Monachi suo tempore consummauit officium, & pontificale non neglexit debitum. *Thomas Vualsingam in hist. breui, ad annum 1406.*